

TEKS UCAPAN

YANG BERHORMAT DATO' SERI HAMZAH ZAINUDIN

MENTERI

**KEMENTERIAN PERDAGANGAN DALAM NEGERI, KOPERASI DAN
KEPENGUNAAN**

MAJLIS

KONVOKESYEN

MAKTAB KOPERASI MALAYSIA

KE-20

DI

DEWAN SERBAGUNA, ARAS G, KPDNKK

PADA

SELASA, 31 MEI 2016

MASA

11.00 PAGI

BISMILLAHIRAHMANIRAHIM

ASSALAMUALIKUM WARAHNATULLAHI WABARAKATUH

SALAM SEJAHTERA, SALAM 1 KPDNKK DAN SALAM 1 MALAYSIA

YANG BERBAHAGIA DATO' SRI JAMIL BIN SALLEH

KETUA SETIAUSAHA

**KEMENTERIAN PERDAGANGAN DALAM NEGERI, KOPERASI DAN
KEPENGUNAAN**

YANG BERBAHAGIA DATO' BASARUDDIN BIN SADALI

TIMBALAN KETUA SETIAUSAHA (PERDAGANGAN DALAM NEGERI)

**KEMENTERIAN PERDAGANGAN DALAM NEGERI, KOPERASI DAN
KEPENGUNAAN**

YANG BERBAHAGIA DATO' RAZALI BIN OTHMAN

TIMBALAN KETUA SETIAUSAHA (KEPENGUNAAN DAN PENGURUSAN)

**KEMENTERIAN PERDAGANGAN DALAM NEGERI, KOPERASI DAN
KEPENGUNAAN**

YANG BERBAHAGIA DATO' ZAIDON BIN ASMUNI

SETIAUSAHA BAHAGIAN KANAN (PENGURUSAN)

**KEMENTERIAN PERDAGANGAN DALAM NEGERI, KOPERASI DAN
KEPENGUNAAN**

YANG BERBAHAGIA PROF DATUK MOHD YUSOF BIN KASIM

PENGERUSI LEMBAGA PENGARAH

MAKTAB KOPERASI MALAYSIA

**YANG BERUSAHA PROF MADYA DR ABDUL RAHMAN ABDUL RAZAK
SHAIK**

KETUA PENGARAH

MAKTAB KOPERASI MALAYSIA

AHLI LEMBAGA PENGARAH MKM

TIMBALAN-TIMBALAN KETUA PENGARAH MKM

KETUA-KETUA JABATAN DAN AGENSI DI BAWAH KPDNKK

IBU BAPA, SELURUH WARGA MKM DAN RAKAN MEDIA

HADIRIN DAN HADIRAT YANG DIHORMATI SEKALIAN

1. Alhamdulillah, marilah kita bersama-sama merafakkan rasa syukur ke hadrat Allah SWT yang tidak putus-putus bermurah hati memanjangkan usia, mengurniakan kesempurnaan akal, menganugerahkan kesihatan jasad dan memberikan keupayaan hingga membolehkan kita semua sekali lagi berhimpun dan bertemu dalam Majlis Konvokesyen Maktab Koperasi Malaysia Ke-20 pada pagi yang mulia ini.

2. Terlebih dahulu, saya ingin mengucapkan ribuan terima kasih kepada barisan tetamu serta dif-dif kehormat yang telah sudi hadir dan memeriahkan lagi majlis yang bersejarah ini, di mana Dewan Serbaguna KPDNKK, Putrajaya telah diberikan penghormatan oleh MKM sebagai lokasi pelaksanaan Majlis Konvokesyen MKM untuk kali ini.

3. Sekalung ucapan tahniah kepada semua pihak dan seluruh warga kerja MKM yang telah berusaha bersungguh-sungguh dalam merealisasikan majlis yang bermakna ini bagi meraikan kejayaan para graduan, para pendidik serta pengorbanan ibu bapa yang telah membentuk insan intelek masa depan yang murni sahsiahnya.

4. Setinggi penghargaan dan tahniah juga kepada semua graduan yang telah berjaya menamatkan pengajian mereka di MKM dan kejayaan yang dicapai menjadi kebanggaan ibu bapa dan keluarga yang hadir pada pagi ini. Saya juga ingin mengambil kesempatan ini mengucapkan syabas kepada seluruh warga MKM yang telah berjaya melahirkan seramai 108 graduan Diploma Pengurusan Koperasi pada Majlis Konvokesyen Ke-20 ini bersempena dengan Ulang Tahun MKM Ke-60.

HADIRIN DAN HADIRAT YANG DIHORMATI SEKALIAN

MKM pemancu pendidikan modal insan koperasi masa depan

5. MKM adalah satu-satunya institut pendidikan dan latihan koperasi di Negara ini yang diberi tanggungjawab bagi pembangunan modal insan koperasi. Tumpuan MKM melaksanakan program jangka pendek dan jangka panjang dalam gerakan koperasi. Menjadi harapan saya agar MKM dapat meneruskan agenda pembangunan modal insan sepanjang hayat dan berkeupayaan membina generasi muda berilmu dalam gerakan koperasi. MKM juga diharap dapat melahirkan lebih ramai golongan muda dalam profesion gerakan koperasi.

6. Peranan yang dimainkan oleh MKM dalam gerakan koperasi amat besar. Sektor koperasi di Malaysia kini telah mengorak langkah ke hadapan dengan menyertai pelbagai bidang berimpak tinggi dan kompetitif. MKM harus bersedia menghadapi perubahan ini dan berusaha meningkatkan keupayaan latihannya seiring dengan perubahan tersebut. Untuk itu, pembangunan modal insan dalam gerakan koperasi oleh MKM hendaklah digerakkan secara lebih terancang dan berterusan.

7. Sementara itu, graduan MKM perlu mempunyai jati diri yang kukuh, berketrampilan, berkeperibadian mulia, berpengetahuan dan berkemahiran tinggi bagi mencapai aspirasi Dasar Koperasi Negara 2011-2020. Di samping, mampu berfikir secara kritis dan kreatif, berkemahiran menyelesaikan masalah, berkeupayaan mencipta peluang baru, mempunyai ketahanan dan kebolehan untuk berhadapan dengan persekitaran dunia global yang sering berubah-ubah.

HADIRIN DAN HADIRAT YANG DIHORMATI SEKALIAN

MKM membentuk modal insan profesional yang kompeten

8. Bagi mencapai kecemerlangan modal insan dalam gerakan koperasi, MKM telah berjaya melahirkan ramai golongan muda profesional yang mampan dan kompeten. Golongan muda profesional ini akan menjadi pelapis dan pelaksana penting dalam meningkatkan keupayaan sesebuah koperasi. Kejayaan sebuah koperasi banyak dipengaruhi oleh tenaga kerja yang berilmu serta berwibawa dan mampu membawa gerakan koperasi ke tahap yang lebih tinggi.
9. Saya bangga dengan usaha-usaha MKM dalam memastikan graduan kelahiran MKM berkualiti tinggi dan berdaya saing. Skim Latihan Kerja Koperasi atau SLKK yang telah diperkenalkan oleh MKM adalah satu program pembangunan kerjaya yang baik. Para graduan akan ditempatkan di koperasi maju dan sederhana besar selama 6 bulan bagi mendapatkan pengalaman bekerja selain di MKM. Sementara itu, MKM juga turut memberi biasiswa dan bantuan pinjaman pendidikan kepada para pelajarnya yang kurang berkemampuan.
10. Syabas kepada MKM yang telah berjaya menubuhkan Kolej iCOOP, yang merupakan sebuah IPTS milik MKM sepenuhnya. Kolej iCOOP berperanan penting dalam membangunkan modal insan profesional menerusi program jangka panjang seperti Diploma Pengurusan Koperasi dan yang terbaru Diploma Perniagaan Koperasi. Berbekalkan kelebihan dan keunikan program serta keperluan tinggi tenaga kerja profesional khususnya di kalangan golongan muda di sektor koperasi, akan memberi banyak peluang kepada Kolej iCOOP untuk terus maju dan berjaya.

HADIRIN DAN HADIRAT YANG DIHORMATI SEKALIAN

Keprihatinan KPDNKK membantu kecemerlangan modal insan

11. Saya puji setiap usaha yang dimainkan oleh MKM dalam memastikan sektor latihan dan pendidikan dalam gerakan koperasi mencapai matlamatnya. Selain golongan muda, MKM juga tetap meneruskan agenda pendidikannya kepada golongan dewasa dan juga veteran. Golongan ini adalah pelopor utama dalam gerakan koperasi sejak sekian lama. Kursus-kursus yang berorientasikan pengurusan dan pentadbiran koperasi menjadi keutamaan. InsyaAllah, kombinasi golongan ini dan golongan muda yang berilmu mampu meningkatkan keupayaan dan pencapaian terbaik gerakan koperasi di masa depan.

12. Atas keprihatinan itu, KPDNKK senantiasa memberi sokongan dalam membantu merealisasikan misi dan visi MKM sebagai pemancu modal insan koperasi. Sebagai Kementerian yang bertanggungjawab kepada kemajuan koperasi di Malaysia, peranan serta fungsi MKM tetap menjadi agenda penting pembangunan sejajar dengan Dasar Koperasi Negara dalam membantu gerakan koperasi menyumbang kepada KDNK sebanyak RM50 bilion menjelang tahun 2020. Sudah semestinya, tunggak kepada kejayaan gerakan koperasi negara bermulanya di MKM.

13. Kecemerlangan MKM dalam melahirkan modal insan koperasi turut dibantu oleh agensi-agensi lain di bawah KPDNKK seperti Suruhanjaya Syarikat Malaysia (SSM), Suruhanjaya Koperasi Malaysia (SKM), Perbadanan Nasional Berhad (PNS), Perbadanan Harta Intelek (MyIPO), Suruhanjaya Persaingan Malaysia (MyCC) dan Bank Rakyat (BKRM) serta koperasi puncak Angkatan Koperasi Kebangsaan (ANGKASA). Kolaborasi penting ini akan diteruskan melalui penubuhan sebuah universiti swasta yang menggabungkan semua keperluan agensi yang dikenali sebagai University of Trade and Co-operative (UTRAC).

HADIRIN DAN HADIRAT YANG DIHORMATI SEKALIAN.

Penutup

14. Akhirkata, saya mengucapkan ribuan terima kasih kepada semua yang hadir pada pagi ini dan ucapan syabas kepada seluruh warga kerja MKM yang telah bekerja keras dalam memastikan Majlis Konvokesyen MKM Ke-20 ini dapat dilaksanakan dengan jayanya. Ucapan tahniah kepada para graduan yang akan menerima Diploma Pengurusan Koperasi sebentar lagi. Nasihat saya kepada para graduan, jadikanlah majlis ini sebagai 'titik permulaan' anda untuk terus maju dan berjaya di masa hadapan.

15. Tahniah serta syabas kepada tenaga pengajar MKM yang telah berusaha keras mendidik dan membangunkan anak bangsa sehingga berjaya. Kepada ibu bapa yang hadir pada pagi ini, terima kasih atas pengorbanan serta sokongan yang telah diberikan dan tahniah atas kejayaan anak-anak anda.

Dengan lafaz 'Bismillahiramanirahim', saya dengan penuh rasa kesyukuran kepada Allah merasmikan Majlis Konvokesyen Maktab Koperasi Malaysia Ke-20.

16. Sekian. Terima kasih

**WABILLAHITAUFIK WALHIDAYAH WASAMUALAIKUM WARAHMATULLAH
HIWABARAKATUH**